

**ARUBA BANK A CELEBRA
125 AÑA DI EXPERIENCIA
SUPERIOR**



WWW.SOLODIPUEBLO.COM



SOLODIPUEBLO@GMAIL.COM

MINISTER GLENBERT CROES A ENTREGA SU RETIRO DI GABINETE WEVER-CROES



Gabinete Wever - Croes II

A FIRMA E PLAN DI MANTENCION Y “BEHEEROVEREENKOMST” CU PALO MARGA



MINISTERIO PUBLICO A INFORMA DI DETENCION DI COLEGA MINISTER GLENBERT CROES DEN UN INVESTIGACION ANDANDO


SPOOKRIJDER A CAUSA ACCIDENTE FRONTAL ARIBA WATTY VOS BOULEVARD



CAMBIO DEN PRIJS DI PRODUCTIONAN PETROLERO 9 OKTOBER 2024

- Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 9 oktober 2024:

Gasoline unleaded-premium	: 234,9 cen p/ltr. (- 16,3 cen)
Diesel LS	: 201,4 cen p/ltr. (- 8,8 cen)
Kerosin	: 177,0 cen p/ltr. (- 9,8 cen)
E prijsnan ta inclui BBO/BAZV/BAVP	



MINISTER MADURO TA HAYA RESULTADO DI E STAFF VISIT DI IMF CU TA PREPARA PA HACI UN 'ARTICLE IV EVALUATION OF ARUBA' NA APRIL 2025



Minister Maduro di Finansa hunto cu Minister President a habri siman ta reuni cu e ekipo di IMF kendenan a haci un staff visit na Aruba den preparacion pa e 'Article IV evaluation of Aruba' cu lo tuma luga na april 2025. Den e reunion IMF a duna un bista di tur locual nan ta mira como temanan cu lo wordo trata ora cu nan haci nan evaluacion di Aruba su economia y finansa. IMF ta satisfecho pa mira con turismo den combinacion cu bon maneho financiero ta habri espacio pa inversion necesario na Aruba. Sinembargo IMF ta adverti cu pa segura cu lo tin fondonan necesario pa haci e inversionnan aki, lo mester tene bista riba algun riesgo cu mester wordo mitiga.

IMF a identifica algun riesgo cu nan lo kier investiga y amplia mas riba

dje durante nan 'Article IV evaluation.' E bon ta cu Gobierno di Aruba ya caba ta adresando e risiconan aki. Riba e tereno fiscal, por ehempel, ya caba Gobierno ta bezig cu proyecto di digitalisacion y capacitacion na Departamento di Impuesto, mehorando e maneho financiero door di fortifica Departamento di Finansa y cambia procesonan financiero manera palabra den Landspakket y ta atende cu corporate governance y maneho di dividendo y participacion cerca companianan estatal. Asina tin mas tereno riba cual Gobierno ta atende caba debidamente cu e risiconan. Otro aña IMF lo haci un evaluacion mas profundo riba e tema nan aki y otronan cu nan a indentifica den e Staff Visit haci na Aruba.



ANUNCIO



Departamento di Inmigracion Aruba ta informa cu servicio di peticion pa carta di garantia a habri pa entradanan den luna di december 2024

Dialuna 09 di december 2024 ta e ultimo dia pa haci entrega di peticion pa carta di garantia pa aña 2024

Despues di e fecha aki lo procesa solamente carta di garantia pa aña 2025.

@INMIGRACIONARUBA

FACEBOOK.COM/INMIGRACIONARUBA

Gobierno di Aruba

MINISTERIO PUBLICO A INFORMA DI DETENCION DI COLEGA MINISTER GLENBERT CROES DEN UN INVESTIGACION ANDANDO

Ministerio Publico a informa di detencion di colega Minister Glenbert Croes den un investigacion andando. Manera a wordo palabra adelanta, si un minister bira sospechoso, e ta entrega su retiro inmediatamente conforme articulo 17 di ley di Integridad di Minister. Gobierno di Aruba ta pendiente pa ricibi e carta di retiro di e minister.

Ta un noticia hopi dificil pa nos Gobierno, y nos ta desea Glenbert Croes su famia y su sostenedornan hopi forza.

Gabinete Wever-Croes 1 y 2 a y ta tene e bandera di integridad semper na halto, y den e caso aki no ta diferente.



DETENCION MINISTER DI LABOR, ENERGIA Y INTEGRACION



Awe mainta 8 di oktober 2024 a detene e minister di Labor, Energia y Integracion Glenbert Croes. Despues a tuma lugar un listramento ("doorzoekings") den su cas.

E detencion ta den cuadro di e investigacion Portulaca. Esaki ta un investigacion cu ta andando algun tempo caba di Landsrecherche bao di guia di Ministerio Publico.

E investigacion aki ta entre otro dirigi riba e sospecho di delitonan encunto dunamento

di permisionan di estadia/trabou entre 2020 te cu awor.

Anteriormente, dia 4 di juni 2024 den e mesun investigacion Portulaca, detencionan tambe a tuma lugar caba. E tempo ey tambe listramento den diferente cas y edificionan commercial a sosode y confiscacion di obhetonan a tuma lugar.

Di e investigacion hasi despues na e obhetonan confisca, e sospecha contra e Minister a surgi.

Ministerio Publico a aplica riba e sospechoso restriccionnan den interes di e investigacion. Esaki kier meen cu e sospechoso por tin contacto solamente cu su abogado y no cu otro hende. Entre otro pa e motibo aki Ministerio Publico ta cauteloso cu dunamento di mas informacion encunto e contenido di e caso aki.

Sí mi kier comparti lo siguiente. Esaki, encunto e momento cu e detencion di e sospechoso a tuma lugar.

Sucesonan politico nunca ta influencia curso di un investigacion penal.

Aworaki tampoko.

Ministerio Publico y Landsrecherche ta mantene den investigacionan penal na nan propio planificacion/planning. Loke descubri durante e investigacion frecuentemente ta determina e momento di detencion di un sospechoso y e ehecucion di listramentonan ("doorzoekingen").

Por lo tanto, cu e detencion ta awor, awe, tin di haber cu e momento den cual e sospecha contra e minister a

surgi, e planning/planificacion di Landsrecherche, juez-comisario y Ministerio Publico. Y tur esaki no ta diferente fe loke ta usual den otro investigacion.

Cu gobierno a cai dia 9 di september y cu despues eleccion a wordo yama, por lo tanto no a influencia e planning/planificacion aki.

E investigacion penal ta sigui. No ta exclui cu mas detencion lo por tuma lugar den e caso aki. Den interes di e investigacion cu ainda ta andando, Ministerio Publico na e momento aki no ta duna mas informacion.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

Minister Endy Croes:

A AUMENTA E SUBSIDIO PA BUKI, BUS, GRM GRAFISCHE REKENMACHINE Y A AGREGA ACERCA UN SUBSIDIO PA LAPTOP Y TABLET

ORANJESTAD: Durante Conferencia di Prensa di Gobierno di Aruba, Minister Endy Croes a anuncia cu lo tin subsidio adicional pa enseñansa. Ta trata aki di subsidio pa buki, bus, GRM grafische rekenmachine y a agrega acerca un subsidio pa laptop y/of tablet pa e hobennan den enseñansa secundario cu tin mester di esaki. Manera ta conoci, varios scol den enseñansa secundario ta cambiando nan “leermiddelen” tradicional existente di buki pa “licentie”. Esaki ta parti di digitalisacion cu ta tumando luga den enseñansa pa cu PEN2030. Na e momento cu cambia pa e “licentie” un di e rekisito pa bay scol ta cu e alumno mester tin un “device”

propio. Esaki ta sea un laptop of un tablet cu lo wordo uza pa e por conecta na e plataforman pa por sigui les na scol. Den pasado e subsidio e tabata cubri buki y/of GRM grafische rekenmachine y “vrije busvervoer” tabata solamente pa e alumnonan di Colegio Arubano. Desde awe, a amplia e maneho pa por cumpra tambe un device (sea laptop of tablet) y esaki ta conta pa tur alumno di scol secundario di cual e scol ta rekeri e uzo di un “device” pa por sigui les.

Minister Endy Croes a logra aumenta e fondo na 400 mil florin pa asina garantisa e hobennan di cual nan mayornan hunto tin un entrada di 42 mil

florin of menos pa aña por haci peticion pa e subsidio. Pa por bin na remarca pa ricibi e subsidio mester subi riba e website di www.ea.aw y busca ariba e pagina “subsidio”. Aki lo encontra un guia completo di tur rekisito, formulario y documento necesario pa por aplica pa e subsidio aki. E hobennan por ricibi un maximo di 550 florin pa e GRM grafische rekenmachine, buki y/of bus y un maximo di 750 florin pa cumpra un laptop of tablet. Ta trata aki di un suma total di 1300 florin pa aña escolar. E website di www.ea.aw lo guia e estudiante cual ta e formularionan cu mester wordo yena y e documentonan cu mester entrega pa bin na remarca.



Sesion di Studiefaciliteiten di DEA ta encarga pa atende cu e peticionnan di e studiantenan di Mavo, E.P.B, E.P.I, Havo y Vwo.

Minister Endy Croes a enfatisa cu ta importante pa e hobennan tin e posibilidad pa por yega na extra subsidio. Desde awe caba e estudiante por yena e formulario y solicita pa

e subsidio aki. Por ultimo, Minister Endy Croes ta gradici e comision cu a consisti di CBS, hurista, DEA y consehero di Ministerio di Enseñansa cu a traha hunto durante 1 aña, a haci e estudionan necesario y a traha e plan pa realisa e proyecto aki pa nos studiantenan.

CASO DI MENASA NA DIAL RENT TO OWN A TERMINA DI TA UN CASO DI INTERMEDIACION

Dialuna merdia a drenta informe di un caso di menasa na Dial Rent To Own na Cumana, mesora a dirigi patruyanan na e sitio.

Na yegada di e patruya di Oranjestad y tambe e unidad di K9 a bin compronde cu aki a resulta den un caso di intermediacion unda polis mester a intermedia entre e 2 partidonan.



Prome Minister Evelyn Wever-Croes:

MINISTER GLENBERT CROES A ENTREGA SU RETIRO DI GABINETE WEVER-CROES

“Den number di Gobierno di Aruba y den mi capacidad di Minister President, mi ta informa e renuncia di Minister di Labor, Integracion y Energia Sr. Glenbert Croes.

Señor Glenbert Croes mes a tuma e desicion aki pa retira di su posicion pa motibo di ta wordo considera un sospechoso den e investigacion di e caso Portulaca. Ademas den Partido MEP y den gobernacion actual tin principio y

regla, cu si un Minister of miembro di Parlamento den funcion bira un sospechoso den un caso, cu e lo tuma su retiro inmediatamente pa asina garantisar transparencia y permiti cu e proceso legal sigui sin obstruccion.

Gobierno di Aruba ta gradici Minister Glenbert Croes pa su servicio y pa su cooperacion brinda durante nos periodo di gobernacion. Nos ta desea Glenbert Croes su famia y su sostenedoran hopi forsa. Tur trabao pendiente

di su ministerio lo bay wordo atendi sin interrupcion pa un colega minister. Mas despues lo anuncia cua Minister lo tuma over e carteranan concerni.

Gobierno di Aruba ta keda comprometi cu integridad y responsabilidad, pa asina mantene y fortalece e confiansa cu pueblo di Aruba a brinda nos gobernacion. Nos ta gradici pueblo pa su comprension den e momentonan aki y ta priminti di



mantene comunidad informa di cualkier desaroyo relevante den e caso aki”, Prome Minister Evelyn Wever-Croes a expresa.

Parlamentario Marco Berlis (MEP):

E BENEFICIONAN Y IMPACTO DI E LEY DI REFERENDUM

Parlamentario Marco Berlis a demostra su compromiso cu e pueblo di Aruba door di introduci un ley nobo di referendum den Parlamento. E iniciativa aki ta un paso importante pa fortifica e democracia na nos isla y empodera e bos di cada ciudadano. E ley di referendum ta diseña pa duna e pueblo di Aruba un herment poderoso pa participa directamente den decisionnan importante cu ta afecta nos pais. Como un representante di pueblo den Parlamento, Berlis a reconoce e importancia di involucra e comunidad mas activamente den e proceso politico.

Beneficio y impacto di e ley di referendum.

E beneficianan di e ley di referendum ta extenso:

1. Participacion directo: E pueblo lo por expresa nan opinion directamente riba temanan crucial, creando un coneccion

mas fuerte entre gobernacion y ciudadanonan.

2. Transparencia: E proceso di referendum ta stimula un debate publico mas amplio y informativo, loke ta resulta den un toma di decision mas transparente.

3. Responsabilidad: Politiconan lo mester ta mas atento na e deseonan di pueblo, sabiendo cu cierto decisionnan por wordo someti na un voto popular.

4. Educacion civic: Referendumnan ta stimula ciudadanonan pa informa nan mes mihor riba asuntonan nacional, elevando e nivel di conocimiento politico den comunidad.

5. Legitimidad: Decisionnan tuma via referendum tin un nivel halto di legitimidad, ya cu nan ta refleha directamente e boluntad di pueblo.

Aplicacion na diferente areanan importante.

E ley di referendum por wordo aplica na diferente areanan



importante pa nos pais:

- Cambianan constitucional of institucional
- Asuntonan di medio ambiente y conservacion
- Temanan social y cultural significativo y otronan.

Cu e introduccion di e ley aki, parlamentario Marco Berlis ta demostra su confiansa den e sabiduria colectivo di e pueblo Arubiano. E ta reconoce cu e forsa di nos democracia ta den e participacion activo di tur ciudadano. E ley di referendum ta

un paso crucial pa modernisa nos sistema democratico y asegura cu e bos di cada Arubiano ta wordo scucha. Esaki ta un logro significantepa nos pais, reforsando e principionan di un gobierno pa y di pueblo. Mientras e ley aki ta pasa door di e proceso legislativo, e ta importante pa nos como ciudadanonan sigui e desaroyonan di cerca y prepara nos mes pa e responsabilidad nobo cu lo bin cu e poder di referendum. Asina nos lo por sigura cu e herment aki wordo usa sabiamente pa e beneficio di henter nos comunidad y e futuro di Aruba. Finalmente, e ta mi privilegio pa sigui introduci leynan cu ta pone pueblo prome y ta beneficia pueblo prome!

Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbidor di pueblo na bo ordo semper!

SPOOKRIJDER A CAUSA ACCIDENTE FRONTAL ARIBA WATTY VOS BOULEVARD



Watty Vos Boulevard - Diamars mainta den careda di 8'or pasa a ta sosode un accidente frontal no comun; altura di Kooyman.

Mesora polis a yega y berdad ta topa dos auto

pega contra otro, y cu dos hende herida.

Tawata trata di un Nissan March y un Isuzu pickup. Un poco mas panort, por a mira un truck di DOW.

LOCUAL A SOSODE



E accidente aki a sosode net na e entrada di caminda grandi, pabo drenta pa bay Kooyman.

Un dama na stuur di e March a dicidi di sali di eynan, pa e bay pazuid o sea pa e bay direccion rotonde Wayaca.

Chauffeur di e truck di DOW di leu a mira kiko tawata pasando, y cera brake y desvia. E truck tawata bashi; si e tawata carga lo tawata tin un otro resultado.

Na stuur di e Isuzu e chauffeur lo no a spera di topa cu un spookrijder ariba su liña, y dal frontal contra e March.

Chauffeur di e March a resulta herida; pero por a mira cu tawata na tino y tawata tapa su cara cu su mannan.

Dos ambulance a presenta na e sitio. Ambos heridos

no a muestra señalnan di golpi serio na curpa.

Polis di trafico a presenta y a haci su investigacion, mientras cu rotonde Wayaca a wordo cera pa trafico durante esaki y

alabes Paramediconan tawata bezig memey caminda.

Kiko por a drenta e dama su cabes pa haci esaki no ta duidelijk.



Minister Rocco Tjon: DETENIDONAN NA KIA LO BAY RICIBI CURSO DI BARBERIA



Recientemente, Minister di Husticia y Asuntonan Social sr. Rocco Tjon tawata presente na KIA pa asina presencia e curso di barberia cu a wordo brinda na nos detenidonan. Pa hopi tempo caba a bin ta inverti den nos instituto coreccional KIA, especificamente pa ofrece esnan cu a comete un fout un segundo oportunidad, y esaki door di brindanan cursonan y trabou pa nan por haya un segundo oportunidad di berdad.

Manera ta conoci, a haci

un sondeo bou di tur e detenidonan, pa asina wak kico tin nan interes, pa di e forma ey e cursonan cu nos ta ofrece na nan por conta cu nan participacion. Di e manera aki, e chens cu nan ta logra finalisa e curso aki exitosamente ta mucho mas grandi.

Un di e topiconan cu tin un interes grandi serca e detenidonan ta e parti di barberia y pa e motibo ey, Ministerio di Husticia y Asuntonan Social a wordo acerca pa sr. Lambrinos di Lambrinos barbershop

caminda el a duna nan un seminario di tres dia pa siñanan kico e trabou aki ta ensera.

Tres dia sumamente exitoso, caminda a logra scucha di esnan cu a participa na e curso aki, kico nan experiencia tawata ta, di cual a conclui cu e animo tawata hopi halto. Mirando cu e animo t'ey, lo bay percura pa e curso mes bay wordo ofreci na e personanan aki.

E motibo pa cual Ministerio di Husticia y Asuntonan Social ta kere den e cursonan aki ta, door di haya e curso, nan lo conoce e profesion y lo tin e experiencia caba, pa asina na momento cu nan sali, nan por cuminsa traha. Unabes cu nan tin trabou, e chens ta mas grandi cu nan no ta cay bek den e circulo vicioso.

Por ultimo, e mandatario



a manda palabranan di pabien na henter e ekipo di KIA cu a haci esaki posibel, na señor Lambrinos cu a brinda e seminario aki di tres dia largo, como tambe

na e participantenan. E tipo di inversionnan aki lo sigui tuma luga e lunanan nos dilanti.

MINISTER THIJSSEN KEYNOTE SPEAKER NA FORO NA BRUSELAS

Den Haag – Minister Plenipotenciario demisionario y alabes Representante di Aruba na Union Europeo mr. Ady Thijsen tabata e keynote speaker na e aperura di e “Green Overseas Climate Finance Forum” cu ta tumando lugar na Bruselas.

E foro aki ta wordi organisa pa Green Overseas Program cu ta wordo financia pa e Comision Europeo.

E participantenan na e foro ta paisnan LGO, ex paisnan LGO Britanico y diferente organisacionnan riba e tereno di Financia y Cambio di Clima. Esencia di e foro ta cu door di e cambio di clima e paisnan LGO tin di haber cu hopi retonan y tur esaki ta costa hopi cen. Durante e siman aki lo intercambia di pensamento y ideanan con mester enfrenta e retonan aki y pa haya financiamiento pa nan.

Sr. Thijsen a hiba un discurso como presidente di e Executive Committee di OCTA. Na final di e siman e mandatario lo tene un biaha mas un discurso, pero e biaha aki den nomber di Prome Minister demisionario di Aruba mr. Evelyn Wever-Croes cu no por tabata presente na e foro.

Nota pa redaccion: E potretnan ta cortesía di Arubahuis



ARUBA BANK A CELEBRA 125 AÑA DI EXPERIENCIA SUPERIOR



Oranjestad, 8 di oktober, 2024: Aruba Bank ta gradici y felicita di curason su empleadonan fiel pa e total di 125 aña di dedicacion na e banco. Un

celebracion a tuma lugar na e oficina principal di Aruba Bank na Camacuri cu e tema espectacular di circo, unda e empleadonan, y coleganan por a disfruta di un



ambiente ameno, palabra di aprecio y un ceremonia di reconocimiento.

Durante e celebracion, empleadonan cu a celebra nan añanan di servicio a ricibi un reconocimiento special pa nan dedicacion. A celebra 5 aña di servicio di Peggy Oduber, Nathalie Lejuez, Rudymar Loopstok y Daniel Campillo, 10 aña di servicio di Carina Semeleer y Roixian Oleana, 20 aña di servicio di Xiomara Jacopucci y Giselle Lopez y Sandy Geerman su 45 aña di servicio.

E ceremonia tabata yena cu emocion y a recorda e contribucion balioso cu cada un di e empleadonan a haci pa Aruba Bank y pa su clientenan.

Aruba Bank ta sumamente orguyoso di tin empleadonan cu no ta solamente un inspiracion pa otro, pero tambe cu ta forma parti di e mision di e banco.



Minister Endy Croes:

A FIRMA E PLAN DI MANTENCION Y “BEHEEROVEREENKOMST” CU PALO MARGA

Palo Marga lo ricibi 300 mil florin den 5 año



: Recientemente, Minister di Deporte a anuncia cu diasabra ultimo, dilanti un publico grandi durante di dos (2) anochi di e Caribbean Shootout 2024 conhuntamente cu e representantenan di ABM y Lotto pa Deporte a firma e “Beheerovereenkomst” y Plan di Mantencion. Ta trata aki di un acuerdo di cinco (5) año cu Fundacion Lotto pa Deporte pa e financiamiento pa cu mantencion di ekipo y facilidad na Palo Marga. Ta trata di un suma di 60 mil

florin pa año pa asina ABM por mantene e facilidad den bon condicion y garantisa di e forma aki e operacion optimal y safe di e pista pa practica e deporte di motor. En total Palo Marga lo ricibi 300 mil florin den 5 año. Un plan hopi detaya a wordo prepara pa e personal di DOW y diferente experto pa mantencion di e pista.

A instala 26 poste di luz LED ultramoderno, cual ta un inversion di casi 400 mil florin. Ademá di esaki,

a renoba e pista di Palo Marga den su totalidad cu un “race asphalt mix”, a trece Sr. Kurt Johnson di Total Venue Concepts y su ekiponan special Aruba. Awe Aruba tin e miho pista di region y acredita na standard internacional. E proyecto di renobacion di e

pista ta un inversion di 1.9 miyon florin.

“Desde cu Palo Marga a wordo inaugura na año 1983 door di Sr. Betico Croes (den feliz memoria) e no ricibi mantencion y no a wordo renoba mas. Te 41 año despues, nos a haci e

renobacion di Palo Marga, paso tin un grupo grandi cu ta stima e deporte di velocidad,” Minister Endy Croes a subraya. Por ultimo, Minister Endy Croes ta felicita Palo Marga y e famia grandi di drag race cu ta stima e deporte aki.

Fiesta Tipico

17:00 – 17:40 : CAHA DI ORGEL “MI AMOR”
17:45 – 18:00 : DJ GORDON TOUSANT
18:05 – 18:40 : TIPICO COLEGIO ARUBANO
18:45 – 19:00 : DJ GORDON TOUSANT
19:05 – 19:40 : TIPICO PALISIA
19:45 – 19:55 : DJ GORDON TOUSANT
20:00 – 20:35 : RECONOCIMENTI NA 2 BALUARTE
20:45 – 21:30 : TIPICO STIMA MI
21:30 – 22:00 : DJ GORDON TOUSANT

Fecha : 27 oktober 2024
Ora : 5pm - 10pm
Luga : Centro Di Barrio Dakota
Entrada : 5 florin

LO TIN DOORPRIZES PA CORTESIA DI TASTE BUDS CAFE

DCA **CEDE ARUBA**

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO De Pueblo

WENDRICK CICILIA AWOR TA MEESTER IN DE RECHTEN



Dialuna mainta tabata un momento sumamente importante y special pa e hoben mr. Wendrick Cicilia, pa su famia, pero sigur tambe pa su colega y amigonan di Partido di Pueblo Arubano, AVP. Den aula di Maria Convent na Universidad di Aruba, mr. Cicilia a defende exitosamente su tesis, obteniendo su titulo di Meester in de Rechten. Cicilia, kende lo ta participando pa di dos biaha den eleccion riba e lista berde, a priminti di dedica tur su conocimiento y energia na bienestar di e comunidad Arubano. El a expresa cu ta un momento di reflexion propio, pero tambe di compromiso.

“Tres aña pasa mi a dicidi cu mi ta pone mi conocimiento, mi talento, mi don, e forsa di hubentud na disposicion di mi comunidad. Comunidad a acepta mi y brasa mi y nos ta tres aña despues. Nos no a sinta keto, a sigui profesionalisa, prepara nos mes y capacita nos mes,” asina e hoben politico a bisa.

E ta segura cu, cu e mesun pasion di e hoben di cuater aña pasa, solamente cu mas conocimiento y capacidad, e momento ta awo pa atrobe ofrece esey na comunidad. “Aruba mester bay conoce un desaroyo distinto na

loke a experiencia sigur e tres añanan aki,” mr. Cicilia a comenta.

Su tesis ta basa riba e instituto di ombudsman of defensor di pueblo. El a profundisa den e ley pa wak berdaderamente si e ombudsman ta conta cu e proteccion legal cu e mester pa por funciona di manera imparcial, independiente y profesional.

Ora cu e prome ombudsvrouw a huramenta dia 1 di october ultimo, mr. Cilia tabata presente. A traves di su investigacion, no solamente e por a studia e ley, pero tambe brinda un perspectiva nobo riba con por adapt’e pa garantiza cu debidamente e ta funciona na beneficio di comunidad.

Cicilia a comparti con e ta sintie masha gradicido na tur cu a contribui na su trayecto academico. “E logro no ta di bo so, e ta un cu bo ta comparti tur serkeri y amigo,” el a indica. Presente na e ceremonia tabata su famia, amistad, colega y lider di AVP, mr. Mike Eman.

Tocante Wendrick Cicilia mr. Wendrick Cicilia ta un hoben hurista y candidato di Partido di Pueblo Arubano (AVP). Su pasion pa yuda su prohimo a hib’e na ta un di e fundadornan di

Tienda di Ley na 2018. E la gradua na 2019 for di e Facultad di Derecho di Universidad di Aruba. Na 2021



a tuma e curashi y determinacion pa subi e lista berde. Durante e ultimo eleccion mr. Wendrick Cicilia a logra convence 482 ciudadano cu nan voto, perfilando su mes den e top 10 cu mas voto di

tur e 29 candidato rib’e lista di AVP. Na october 2024 e la logra su titulo di meester in de rechten. E momento ta awor pa un generacion nobo tuma rienda di nos pais pa sigui pa dilanti.

COMETA UNICO C/2023 A3 (TSUCHINSHAN-ATLAS) LO ILUMINA SHELO DI ARUBA ENTRE MITA DI LUNA DI OCTOBER TE FIN DI OCTOBER!

Den luna di october e amantenan di astronomia na Aruba lo tin e oportunidad pa mira un evento celestial espectacular. Esaki en conexion cu e cometa C/2023 A3 (Tsuchinshan-ATLAS) cu lo pasa den nos shelo for di mita di luna di october te fin di october. Esaki lo ta un oportunidad unico pa comunidad wak un di e cometanan mas briyante di e aña, posiblemente visible, sin nesidad di uza instrument, si e condicionnan di tempo permiti.

Space and Nature Aruba Foundation ta entusiasma pa anuncia cu Cometa C/2023 A3 lo ta mas visible despues cu solo baha y si shelo ta limpi na horizonte. E miho dia pa wak e lo ta rond di 15 di october. E cometa lo ta na un altura abou, riba horizonte west, desde ora di atardi te

den anochi. Den e dianan despues di 15 di october, e briyo di e cometa lo ta disminui poco poco; asina ta percura pa no perde tempo y busca pa wak e trempan!

Cometa A3 no ta solamente un cometa unico, pero tambe historico. E no lo bolbe pasa den nos sistema solar pa otro 80,000 aña, haciendo e un oportunidad unico di un bes den bida. E cometa lo por tin un rabo resplandeciente di stof y ijs, cu e posibilidad di dos rabo —un blanco y un blauw—iluminando e shelo di nochi.

Con ta e miho manera pa wak e experiencia unico aki?

1. Busca un luga unda por haya un bista cla di horizonte di west.
2. Evita luz di ciudad of zona di hotel; e lugarnan mas scur lo mehora e visi-

bilidad.

3. Usa binocular of telescopio pa mira e cometa mas cerca, aunke e cometa lo por ta visibel sin ningun instrumento.

Pa haya mas informacion: Pa mas detaye di e evento celestial aki, incluyendo updates en vivo y conseho pa haci observacion na Aruba, bishita nos pagina di Facebook na www.facebook.com/spacenaturearuba. Aki nos lo comparti informacion alcaso di observacion y conocimiento pa yuda bo saca e maximo di e espectáculo aki.

Laga nos sali cu nos binocular of djis un stoel di lama y bini hunto como comunidad, pa asina nos disfruta di e beyesa di e shelo di e anochi aki. Uni na nos y bin celebra cu nos un evento cosmico y espectacular!

ORGANISASHON DI DERECHO HUMANO DI BONEIRU TA ASISTÍ NA DI 79 ASAMBLEA GENERAL DI NASHONAN UNI

Seshon di 4to Komité riba Teritorionan-Sin-Propio-Gobernashon



Organisashon di Derecho Humano di Boneiru, James Finies i Davika Bissessar, orguyosamente a asisti na e seshon di 4to Komité di Nashonnan Uni riba Teritorionan-Sin-Propio-Gobernashon, uniendo den diskushonnan riba futuro di teritorionan manera Islanan Virgines Britániko I Merikano, Polinesia Fransés, Nueva-Caledonia, i Guam, entre otro.

Nos presensia ta subrayá nos kompromiso firme pa lucha pa e derechonan humano I di outodeterminashon di Boneiru i pa konsientisa riba e desafionan di derecho humano ku ta afektá e pueblo di Boneiru. Boneiru ta enfrentando desafionan úniko, i nos ta kere ku pone Boneiru bèk riba lista Nashonnan Uni komo un Teritorio-Sin-Propio-Gobernashon i nos kompromiso kontinua ku organisashonnan global manera Nashonnan Uni ta krusial pa garantisá ku nos isla su preokupashonnan i aspirashonnan ta skucha i trata.

Bonaire Human Rights Organization ta kontinua komprometí pa ak-



tivamente partisipá den diskushonnan aktuál i di futuro den foronan internashonal pa protehá nos derecho pa propio-gobernashon i pa fortalese e base di derecho humano ku ta sostené nos comunidad. Nos lo kontinua preshona pa Nashon Uni i komunidad internashonal tene Hu-

landa responsabel i pa akshonan signifkativo, ku ta respetá e identidat kultural, derechonan, i desaroyo di Boneiru mientrastantu nos ta avansá riba e kaminda pa pone Boneiru bek riba lista di Teritorionan-Sin-Propio-Gobernashon I respeta nos derecho di autodeterminashon.

Paga bo cuenta online ta facil

Sea
Abonnement
of Aviso

Pago online,
facil y lihe

SOLO *De Pueblo*

Pa hasi pago online pone nomber y adres na
cuenta di banco RBC Sunmax Printing
account # 7700000100152447

Minister Thijsen na celebracion dia di Emancipacion di Eindhoven



Den Haag – Eindhoven a tuma e iniciativa pa bin cu nan propio Dia di Emancipacion pa e comunidad Caribense. Fundacion Gedeeld Verleden, Gezamenlijke Toekomst a tene un “Dutch Caribbean United Emancipation Day” evento cu a conta cu presencia di Minister Plenipotenciario di Sint-Maarten Gracita Arrindell, Minister Plenipotenciario demisionario di Aruba mr. Ady Thijsen, wethouder di municipio di Eindhoven Samir Toud y staatsraad pa Curaçao na Raad van State Paul Comenencia.

Na e ocasion aki demisionario minister Thijsen a hiba palabra unda ela cuminsa na bisa cu e iniciativa

pa bin cu un propio dia di Emancipacion pa e comunidad Caribense ta hopi bon, pasobra mester constata cu e esclavitud den e parti Caribense di Reino ta otro. Segun sr. Thijsen despues di e disculpa di Gobierno Hulandes y Rey Willem Alexander pa e historia di esclavitud Hulandes, hopi cos a pasa. ‘Na Aruba a bin mas atencion y reconocimiento. Pa tempo largo Arubianonan no tabata papia si nan ta descendiente di esclavo of di shonnan, segun historico Adi Martis den e podcast pa Caribische Netwerk titula “Arubaanse roots: Het verborgen slavernijverleden”. Sr. Martis ta sigi bisa cu personanan en general ta papia manera cu esclavitud na Aruba ta-



bata mescos cu na Surnam, Curaçao of Merca. Pero segun e historico esaki no ta cuadra cu e hecho cu e situacion na Aruba tabata otro. Aruba den comparacion cu Curaçao y Sint-Eustatius relativamente y absolut tabata tin menos esclavo. Tambe e constelacion di e poblacion di esclavo y nan circunstancia di bida tabata otro y segun sr. Martis ta haci esaki unico,’ asina sr. Thijsen a bisa den su discurso

E mandario a sigi cita e historico cu ta bisa den su podcast cu Aruba tabata tin un escala chikito cu a haci e situacion mas personal. Sr. Martis ta sigi splica cu e esclavonan tabata haci trabao di cas y tambe tabata traha den cunucu. Algun esclavo tabata tin tereno y cas, sigur no por compara esaki cu e situacion na Surnam, segun Adi Martis.

Demisioario Minister Thijsen a bisa despues di e

komma den e disculpa di Gobierno di Hulanda, ta importante pa bin mas atencion pa e consecuencianan di esclavitud pa e poblacion di e parti Caribense di Reino, por ehempel riba tereno di enseñansa y salubridad. Sr. Thijsen: ‘Banda di esey mi ta di opinion cu na Hulanda mes lo mester bin mas concientisacion bou di e poblacion riba e rol di Hulanda den esclavitud. Pa cuminsa na scolnan. Elo mester ta un dialogo habri, sin punta dede y no culpa hendenan pa e actonan di pasado. Hecho ta cu esclavitud te e dia di awe tin su efectonan den e sociedad Hulandes. Djis pensa riba discriminacion y racismo. Desaroyonan cu Hulanda no por cera wowo pa nan, pero mester bin cu pasonan concreto pa duna contenido na e komma di ex-Prome Minister Rutte. Nos punto di bista ta cu descendiente di esclavo lo mester haya e oportunidad pa desaroyonan mes na un mihor cali-

dad di bida, den tur aspecto manera enseñansa, salubridad, mercado laboral, social y financiero. Pa e sosten aki no mester tin limitacion, mirando cu e sufrimento no por keda expresa den un suma di placa,’ tabata palabranan di demisionario Minister Plenipotenciario Ady Thijsen.

Finalmente minister demisionario Thijsen a sorprende sr. Jacintho Zimmerman di Fundacion Gedeeld Verleden, Gezamenlijke Toekomst cu un plakaat di reconocimiento como digno baluarte na Eindhoven pa su contribucion na e comunidad di e islanan den Reino Hulandes riba tereno cultural.

Despues e programa a continua cu discursonan di entre otro wethouder Samir Toud y Paul Comenencia. Tambe e programa a consisti di baile di grupo Flamboyant y canto di e Arubiano Aymar Torres.

RAIZ TA GRADICI GEOFFREY WEVER PA E TEMPO Y ENERGIA DEDICA NA NOS CAUSA Y PA ARUBA

ORANJESTAD - 7 october 2024 - Plataforma Raiz ta desea di informa su miembronan, simpatisantenan y publico general cu miembro di partido, Geoffrey Wever a tuma e decision pa retira di e plataforma. Geoffrey Wever ta un profesional y tabata un miembro importante di nos ekipo, trahando incansabelmente ariba nos vision comparti den areanan di economia, desaroyo sostenibel y

agricultura innovativo. Su decision ta uno propio y a wordo tuma a base di un bista diferente di con e como persona ta desea di sigui traha ariba pa nos pais y con politica mester wordo hiba. Raiz ta un Plataforma cu por wordo mira como un incubator unda cu ta fomenta ideanan nobo, inovacion, y desaroyo personal y profesional. Raiz su portanan ta habri pa profesionalnan cu tin vision y gana di cambia

nos pais pa mihor. Miembronan lo bin y miembronan lo bai haciendo nos plataforma cada bes mas fuerte. Durante RAIZ su periodo den gobernacion, nos a muestra a base di ehempel con Gobierno por traha a base di cooperacion y colaboracion, sin distincion di colornan politico. Ningun hende ta indispensable y semper mester tin espacio na tur esnan cu kier yuda genera cambio y

promove ideanan nobo, sea cu nan ta simpatisante di Raiz of no. Esaki ta nos vision pa politica na Aruba, progreso y cambio sin discriminacion politico. Nos a bin pa traha ariba cambio berdadero cu lo permanentemente marca nos cultura politico. Esaki ta permanece nos compromiso y esaki nos lo logra. Raiz ta desea Geoffrey tur clase di exito cu su siguiente proyectonan y ta gradici'e

pa e tempo y energia cu e la dedica na nos causa y pa Aruba. E forza di Raiz ta su team, cu no ta depende riba un of algun individuo, pero ta un colectivo di miembronan cu e meta comun pa trece cambio structural den politica na Aruba. Nos ta invita tur miembro y simpatisantenan pa activamente participa hunto cu RAIZ pa crea e caminda unda bo ideanan lo yuda forma e destino di nos dushi isla Aruba

Un vehiculo a dal un palo di lus kibra y tabata spart candela na Paradera



Dialuna mainta a drenta informe di cu tin un palo di lus na candela banda di e Santana na Paradera, mesora a dirigi tanto polis como tambe bombero

na e sitio. Na yegada di e patruya a bin compronde cu aki ta trata di un palo di lus kibra cual un vehiculo lo a dal kibra y benta esaki abao y tabata spart

chispa di candela pero esaki a stop ora e coriente a bay. E vehiculo cu a dal e palo di lus a bandona e sitio.



INVITASHON

Curaçao Tourist Board hunto ku nos partnernan den turismo ta invitá Aruba kompletu pa bin celebrá **'CURAÇAO FEST'**

Djabièrnè, 11 di òktober 2024
5:00 PM - 10:00 PM
Linear Park

Nos ke celebrá ku boso nos laso fuerte, i alabes inspirá boso pa e siguiente fakansi pa Kòrsou. Bin disfrutá di e dushi ambiente hunto ku artistanan for di Kòrsou: Grupo Rítmiko Sablika, DJ Lu-C, i tambe Buleria.

Entrada: grátis.

Nos ta warda bo!

CURACAO
SINTIÉ PA BO MES

PROBLEMA DI PAREHA A ESCALA UNDA E DAMA A BAY NA SU MAYORNAN PA PASA ANOCHI



Diamars madruga a drenta informe di un bringamento unda un hende lo a kibra su man na Madiki, mesora a dirigi patruyanan na e sitio.

Na yegada di e patruyanan a bin compronde cu aki ta trata di un problema di pareha unda un persona cu lo tabata tin su man den gips recientemente kita y

durante e pleito lo a sinti su man cu dolor.

Pa mas sigur e dama a dicide pa bay pasa anochi na cas di su mayornan.



OLIVE TREE'S
PRE-PAID
FUNERAL PLAN

PAY AS YOU CAN

Piedraplat 582 0000
Sanicolaas 584 8888 | 5820000
Habri dialuna pa diabierna | 8:00am-4:00pm

Olive Tree Social Department (+297) 743 7411
www.olivetreefuneralhome.com

SUDOKU

	4			9	8			
			2					9
8					7	5		
					2			
2				5		1	7	
3		8						6
		1			4			
		9						2
6				3		4	1	

1							4	
9	8				4	2		
		5			7	9		8
				6			9	
		9	5		8	1		
	3			1				
5		6	8			7		
		2	4				1	5
	1							9

SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen



Si tin un hende muhe inspira cu cosnan pret y cu ta gusta alegria rond di dje, pone otro hende hari cu smak y goza di e dushi alegria, ta Angelique Stuger. Un sra.dama nechi, bunita, elegante y halto di estatura, manera e modelonan cu ta modela panja. Angie su mama ta arubiano y su tata ta hulandes. E ta mita mita, crioyamente bisa un Arucamba. E mes a bira un bunita mama dedica di 3 yui, awor teenagers caba y ta stima Aruba masha masha hopi mes fei tempo cu e tawata un mucha, impresion cu e colornan tropical di nos dushi isla y su hendenan amabel, carinoso y alegre. Y ela enamora tambe di nos dushi musica y bailenan. Nos bunita amiga colega artista Angie no

ta asina flaco, pero e no ta gordo tampoco. Angelique ta nos Sra. Carnaval di varios anja pasa. E ta nos comediente femenino number 1 di Aruba. Y Angelique, cu su nomber artistico “Queen Diva La Loca” a tene varios shownan sold out caba den pasado. Lady Ruth ta corda un di nan teni den Crystal Theater. Nos no por lubida e dushi ambiente pret cu ta reina den tur su shownan. E publico ta hari sin fin henter anochi. Queen Diva La Loca ta presenta shownan hopi varia, cu temanan cu ta ponebo pensa tambe y cu emocionnan bunita. Nos no por lubida su show di e como dokter. Den fin di siman cu ta trai lomba Aruba a disfruta atrobe di un otro show, su show nobo :” Mi locura, bo sonrisa”.

Y berdad e show colma di locura tras di locura. For di cuminsamento impac tante cu algun “play-back” Angelique a conquista tur curason atrobe , e biaha aki como e gran artista cantante Cristina Aguilera, waaaaw ! Bo no kier a move di bo stoel, pasobra, ta tras di otro e bunita locura cu su tokenan elegante y bunita na maneranan profesional , intercambia cu tur sorto di locura pret a sigui. Nos comediente nr.1 Angelique Stuger tin hopi talento bon usa,y bon comparti cu nos tur. cu mester di alegria den nos bida regularmente pa “keep us going”. E sa usa palabranan dobbel sinti den su vocabulario crioyo cu su stem firme. Nos a goza di su presentacion di “Rita Rostelli” ora ela hypnotisa nos amigo colega artista Bashaca Yanga cu a wak full e publico sunu. Nos a goza su lesamento di carta den e idioma spanjo tur floria pa nos amigo colega poeta artista Jhon Fredy Tobon Montoya cu tawata buscando trabao . Nos a goza di su bailenan cu Danza Aruba. Nos a goza con ela canta Abo so di Padu Lampe live. Nos a goza e presentacion di nos bunita amiga artista Lilian Besselink “Shi Prekke”tocante penshoen y fiamiento di placa. Nos a goza di Queen La Diva Loca cu su lanzamiento di su mesun partido politico cu un bon programa e.o. pa hanja con-

doom via azv. Nos a goza di e weganan di Unicorn cu a wordo hunga cu dos pareha for di den publico. Y nos a goza un mundo di e presentacion di e grupo cu e baile y e musica Reaggea di Bob Marley actua super pero super bon mes. FABULOSO ! Algo na hulandes cu mi a skirbi di Angelique ariba FB:”Je bent mooi, lieve Angie, van binnen en buiten. Je hebt super mooie talenten van jouw als artieste, danseres, zangeres en jouw snoepje “Comediante “ met ons gedeeld. Wat hebben we allemaal genoten van jouw fantastische show”.Je bent een role-model in het warme, hartelijke, simpel en toch zo uniek en verfijnd (sophisticated) zijn met jouw carisma. Angelique Stuger, you are the blessings !We love you, we are super proud of you !Danki pa stima bo pueblo di Aruba. Danki pa ta bo mes. Danki pa a comparti asina hopi dushi alegria ! Pabien lieve Angie, Pabien !!! Bo a scoge bo maestra di ceremonia e bunita y elegante Wendy Lacle un di nos Miss Aruba Universo di varios anja pasa, cu a hasi un tremendo bon trabao ! Y nos bunita amiga artista poeta Ivy Goeloe di SABA sinta cu su grupo no por a keda sin bisti e “panty” cu a wordo tira den publico. Manera un reina Ivy a cana show su panty y pampier yena , asina dushi y contagioso e alegria di e show “ Mi locura, bo

sonrisa” tawata ! Lady Ruth super happy di wak su esposo Johan hari cu smak henter anochi ! Nos tur a goza masha masha hopi mes ! Sorpresa di locura tras di sorpresa di locura. Hopi pret mes ! Duuushi ohm ! Nos a hari asina hopi cu algun di e laashi y plooinan na cara a desaparece ! (Un pluimpje pa e team di Cas di Cultura tambe cu tremendo bon zonido y luz , specialmente e gentil cabayero profesional Omar Brown.) Ta bon mes mi esposo ta cu penshoen y ta laga pa e ehecutivonan y entrepreneurs den companianan prestigioso cu tin salario halto bay cumpra e outfitnan y piyamanan cu a wordo desfila pa e cabayeronan den e show. Outfitnan fleurig en kleurig recomendabel sigur ! hahahahah ! Un anochi yena di boshi alegria cu a inspira tur presente bay cas mas relaha y cu un sonrisa grandi riba nan cara. You did it again my friend Angie ! You did it again ! And you will do it again ! Shonnan tur, danki pa lesa nos relato di e siman aki. Pasa un dushi dia yen di sabiduria den nos alegria ! Un “bearhug” di Lady Ruth cu palabranan di pabien pa Angelique Stuger y su dinamico team di artistanan invita cu a actua y presenta den e show “ Mi locura, bo sonrisa”.

Un exito total !

Obituario

Publica serka nos anuncio di fayecimento di bo ser keri.
Nos tin 2 pakete pa ofrese;

Pakete 1: Anuncio di fayecimento te dia cu e defunto
ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554

FORTALEZA PA FAMILIA

Scirbi pa Pastor Marcel Balootje.

SIGI PERSERVERA, NO WAK ATRAS, DIOS NO TA BIRA LOMBA PA SU YUINAN

E scuridad di mundo ta descurasha hopi hende, pesey tin tanto stress y depresion. Pero den tur e cosnan aki caminda hende no ta mira salida, Dios su palabra no ta cambia e ta permanece pa semper.

Palabra di Dios ta primiti nos : Laga boso karakter ta liber di amor pa placa, y sea conforme cu tur loke boso tin, pasobra E mes a bisa: Nunca lo Mi bandona bo y nunca lo mi laga bo desampara. (Hebreonan 13:5).

Dios su promesa pa su yuinan ta di awor y pa eternidad, Dios ta bolbe ripiti den su palabra.

No tene miedo pasobra Mi ta cu bo, no desmaya, pasobra Mi ta bo Dios. :Lo Mi fortalesebo, si lo Mi yuda bo. si lo Mi sostenebo cu Mi man drechi di husticia.

E enemigo ta mik su flecha riba Matrimonio, Famia y Hubentud, e tres pilarnan di mas vulnerabel den nos comunidad, pero tambe ta esnan cu ta carga nos sociedad.

E enemigo a inventa mil y un sorto di problema cu ta hiba hende na divorcio, cu hopi biaha despues cu hende caba di divorcia, nan no ta corda cual ta e motibo exacto.

A bira masha facil pa divison drenta Famia, pa motibo di herencia, redo, falta di pordon, arrogancia y amargura. Pesey tur mayor mester ta un pilar di reconciliacion den nan cas y den nan famia (2 Corintionan 5:19), pa asina por kibra y cancela e atakenan di enemigo for di tempran.

Nos hubentud mester wordo exhorta den amor , pa-



sobra hopi no sa, of hopi no ta compronde cu nan mester biba un bida cu ta agrada Dios, pasobra ora nan bida ta agrada Dios, nan lo no tin problema pa comunica cu otro.

E enemigo no tin respet, pesey e unico forma den cual nos por ta sigur ta: Somete nos mes na Dios, resiti e diabel y e lo huy for di boso. (Santiago 4:7). Pa nos somete nos mes na Dios, nos mester kere den Su Yiu Cristo Hesus, acepta Cristo Hesus como Señor y Salvador, pasobra Cristo ta e unico caminda di berdad y e bida, ningun hende por yega serka e Tata sino ta pa medio di e Yiu.

Señor ta esun cu lo bay bo dilanti, E lo ta cu bo, E lo no faya bo, ni bandona bo. No tene miedo ni desmaya. (Deutoronomio 31:8).

Dios ta nos refugio y nos fortaleza, nos pronto auxilio den tempo di angustia. (Salmo 46:1).

Den tur locual cu nos ta haci nos mester perservera, y ta prohibi pa wak atras (Isaías 43:18-19). Pasobra Dios no ta bira lomba pa su yuinan, e enemigo ta gaña hende bisando e famoso

frase:

“Bo no ta mira cu ningun hende no ta worry cu bo”.

Esaki ta un frase cu a causa hopi daño:

Especialmente den relacion di mayor cu yiu, pasobra ora un mucha su pensamiento wordo domina cu e palabra nan ey hopi biaha e ta mas riba caya cu e ta den cas. Y mal amistad ta haci entrada den su bida.

Pero Dios den su inmenso amor ta demostra na nos cu E no ta laga nos bandona, no cay den depresion ora amigo of amiga no kier ta hunto cu bo mas, pasobra Dios semper lo ta cu bo, semper lo tey pa bo.

Pasobra E lo duna Su angelnan encargo tocante di bo, pa warda bo den tur bo caminda nan. Den nan mannan nan lo carga bo, pa bo no dal bo pia na piedra. (Salmo 91:11-12)



ORACION DI DIA



Feliz dia bendiciona y cu Dios su man santo ta riba cada un di nos

Den e tempo ey Hesus a bisa: "Tata, Señor di shelo y di tera! Mi ta gradici Bo cu Bo a duna esnan simpel conocimiento di e cosnan cu Bo a sconde pa esnan sabi y inteligente." Mateo 11,25

Ta trata di e reino cu Dios mes a funda y esnan simpel na kende e cosnan aki a keda revela. Hesus ta expresa na un manera indirecto cu E tin un caso unico cu Dios su Tata, p'esey nos ta proclama Dios su sabiduria secreto prome cu mundo a cuminsa. El a traha e plan pa nos tuma parti na su gloria pero e plan ey a keda scondi; ningun di e podernan cu ta domina e mundo aki no tabatin conocimiento di e plan ey.

Si nan tabata conoc'E nan lo no a crucifica nos Señor di gloria. Pero manera Santa Escritura ta bisa: loke ningun hende no a yega di mira, ni ningun hende no a yega di tende, pues ni ningun hende no por imagina nan, esey Dios a prepara pa esnan cu ta stim'E. Ma nos si Dios a laga conoce su plan secreto pa medio di su Spirito Santo. (1 Cor. 2, 7-10)

Dios a laga nos conoce su proposito scondi di acuerdo cu su voluntad, e proposito cu El a dicidi di antemano pa realisa pa medio di Cristo.

Oracion: Dios bondadoso, Abo cu ta scrudiña curasonnan, yuda nos lucha cu nos cruz cu no ta facil, pero cu Cristo nos por tur cos. E so por duna nos e forsa sobrenatural pa enfrenta e lucha aki na tera. Amen.